

**ՀՀ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ ԿԱՐԻՔՆԵՐԻ ՀԱՄԱՐ
ԾԱՌԱՅՈՒԹՈՒՆՆԵՐԻ ՄԱՏՈՒՑՄԱՆ ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ
N ՀՀ ՆԳՆ ՀՄԱԾՁԲ-2026/Ա-48**

ք. Երևան

« 20 » « 04 » 2026թ.

ՀՀ ներքին գործերի նախարարությունը, ի դեմս ՀՀ ներքին գործերի նախարարության գլխավոր քարտուղարի պարտականությունները կատարող Խ. Իգիթյանի, որը գործում է ՀՀ ներքին գործերի նախարարության կանոնադրության հիման վրա (այսուհետ՝ Պատվիրատու), մի կողմից, և «Լոկատոր» ՓԲԸ-ն, ի դեմս տնօրեն Ա. Խաչատրյանի, որը գործում է Ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է **գլոբալ ցանցի ծառայությունների** մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս կողմից մատուցված պատշաճ ծառայության դիմաց վճարման ենթակա գումարները, իսկ վճարան ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու պատշաճ մատուցված ծառայության դիմաց վճարման ենթակա գումարները, իսկ Պատվիրատուի կողմից պայմանագրի 4.2 կետում նշված վճարման ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության պատշաճ մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված **15 աշխատանքային** օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1 Սույն պայմանագրով Կատարողի մատուցման ենթակա ծառայության գինը կազմում է **17 645 680** (տասնյոթ միլիոն վեց հարյուր քառասունհինգ հազար վեց հարյուր ութսուն) ՀՀ դրամ, ներառյալ ԱԱՀ-ն:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է պայմանագրի 3-րդ բաժնով նախատեսված կարգով ընդունելու դեպքում՝ ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված ամիսներին, բայց ոչ ուշ, քան մինչև տվյալ տարվա դեկտեմբերի 29-ը:

Ընդ որում վճարում կատարելու նպատակով հանձնման-ընդունման արձանագրությունն ստորագրվելու օրվանից հետո 3 աշխատանքային օրվա ընթացքում պատվիրատուն վճարման հանձնարարագիրը և հանձնման-ընդունման արձանագրության պատճենը մուտքագրում է լիազորված մարմնի գանձապետական համակարգ, իսկ սահմանված կարգի համաձայն ներկայացված փաստաթղթերի հիման վրա լիազորված մարմինը տվյալ վճարումը կատարում է հանձնման-ընդունման արձանագրությունը գանձապետական համակարգ մուտքագրված լինելու դեպքում՝ սույն պայմանագրի վճարման ժամանակացույցով սահմանված ժամկետներում, հինգ աշխատանքային օրվա ընթացքում:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն սահմանված ժամկետում չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորություններն ամբողջությամբ և պատշաճ՝ պայմանագրով սահմանված պահանջներին համապատասխան կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Սույն պայմանագրի պայմանները կիրառվում են նաև մինչև պայմանագիրն ուժի մեջ մտնելը կողմերի միջև **01.01.2026** թվականից փաստացի ծագած հարաբերությունների նկատմամբ:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի գրավոր առաջարկի առկայության դեպքում՝ պայմանով, որ Պատվիրատուի համար ծառայության մատուցման պահանջը չի վերացել, իսկ Կատարողի գրավոր առաջարկը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 7 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավելի քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման շրջանակներից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուց հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն այն ուղարկում է նաև Կատարողի էլեկտրոնային փոստին:

7.10 Կատարողն իրավունք ունի պայմանագրի կնքումից հետո Հայաստանի Հանրապետության քաղաքացիական օրենսգրքի 48-րդ գլխով սահմանված դեպքերում և կարգով կատարել գնման պայմանագրից ծագող դրամական պահանջի զիջում՝ պահանջի զիջման դիմաց ֆինանսավորման (ֆակտորինգի) պայմանագրի (այսուհետ՝ ֆակտորինգի պայմանագիր) հիման վրա: Ֆակտորինգի պայմանագիրը պետք է սահմանի, որ ֆինանսական գործակալը համաձայն է, որ պայմանագրով նախատեսված հիմքերի առկայության դեպքում Պատվիրատուն վճարումներն իրականացնելիս ապահովի Կատարողի նկատմամբ տույժերի ու տուգանքների հաշվարկումը և հաշվանցումը վճարվելիք գումարների հետ՝ անկախ պահանջի զիջված լինելու հանգամանքից: Ընդ որում, ֆակտորինգի պայմանագրի հիման վրա պահանջի զիջման մասին գրավոր ծանուցումը (հավելված N 4) ստանալու դեպքում Պատվիրատուն պայմանագրով սահմանված վճարումը կատարում է ֆինանսական գործակալին, եթե ծանուցումը ստացվել է Պատվիրատուի կողմից վճարման հանձնարարագիրը և արձանագրության պատճենը լիազորված մարմնի գանձապետական համակարգ մուտքագրելու օրվան նախորդող օրը:

7.11 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

7.12 Սույն պայմանագիրը կազմված է 22 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3, N 3.1 և N 4 հավելվածները հանդիսանում են պայմանագրի

7.13 Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

ՀՀ ներքին գործերի նախարարություն

ք. Երևան, Նալբանդյան 130

ՀՀ Ֆինանսների նախարարության

գործառնական վարչություն

Հ/Հ 900011049286

ՀՎՀՀ 02882913

Հեռ. 010 59-61-52

Էլ. հասցեն՝ gnumner@mia.gov.am



Խ. Իգիթյան

ՀՀ ՆԳՆ Գլխավոր քարտուղարի
պարտականությունները կատարող /
(ստորագրություն)

Կ.Տ

Կ Ա Տ Ա Ր Ո Ղ

«Լոկատոր» ՓԲԸ

ք. Երևան, Կոմիտասի 36ա-22

«ԱՐԴՇԻՆԲԱՆԿ» ԲԲԸ

Հ/Հ 2474703386220000

ՀՎՀՀ 00095651

Հեռ: 010 28-58-28

Էլ. Փոստ: tender@locator.am



Ա. Խաչատրյան

ՍՏՈՐԵՆ

(ստորագրություն)

Կ.Տ

Անհրաժեշտության դեպքում պայմանագրում կարող են ներառվել ՀՀ օրենսդրությանը չհակասող դրույթներ:

ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՏՈՒՅՑ*

		Ծառայության				ՀՀ դրամ	
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափման միավորը	ընդհանուր գինը/ՀՀ դրամ	ընդհանուր բնական	մատուցման	
						հասցեն	ժամկետը**
1	Գլոբալ ցանց CPV-32431100/3	<p>ՏԵԽՆԻԿԱԿԱՆ ԲՆՈՒԹԱԳԻՐ</p> <p>Տեղեկատվության փոխանցման և տաֆնային ազդարարման կենտրոնացված համակարգ (Գլոբալ ցանց)</p> <p>Համակարգին ներկայացվող ընդհանուր պահանջներ</p> <ul style="list-style-type: none"> - Այն իրենից պետք է ներկայացնի ծրագրային փաթեթից, տվյալների հաղորդման և ստուգայցերի վերահսկման սարքերից բաղկացած ամբողջական համակարգ: - Համակարգի աշխատանքային ռեժիմը շուրջօրյա՝ 24/7 - Պահպանվող օբյեկտներում տեղադրված ազդարարման համակարգերից ստացվող տվյալների հավաքագրման և հաղորդման նպատակով պետք է օգտագործվեն լրացուցիչ (միջանկյալ) սարքեր, որոնք կկարողանան միանալ տվյալ ազդարարման համակարգին, նրանից ստանալ և կենտրոնական սերվերին հաղորդել տվյալներ, ընդ որում նշված գործընթացը չպետք է խաթարի ազդարարման համակարգի բնականոն աշխատանքը: - Պարտեկային խմբերին պետք է տրվեն ստուգայցերի վերահսկման սարքեր, որոնցով պետք է վերահսկվի խմբի աշխատակցի 	դրամ	17 645 680	1	ՀՀ, ք. Երևան, Նալբանդյան փ. 130	Պայմանագրի դրույթները տարածել հունվարի 1-ից ապրիլի 30-ը:

մտենալու անսաթիվ, ժամ, վայրկյանը կունկրետ օբյեկտին: Սարքը նշիչին մոտեցնելիս, դրա կողմից պետք է գրանցվի տվյալ պարեկային խմբի կողմից տվյալ օբյեկտում ստուգայց և առցանց ուղարկվի կենտրոնական համակարգին: Կապի բացակայության դեպքում ստուգայցի տվյալները պետք է գրանցվեն սարքի հիշողության մեջ և կապի վերականգնվելուն պես պետք է ավտոմատ կերպով ուղարկվեն կենտրոնական համակարգին

- Համակարգը պետք է ունենա առանձին (կենտրոնական) սերվեր, որում տեղադրված կլինի ծրագրային փաթեթը և կպահվի տվյալների բազան:

- Սերվերը պետք է տեղադրվի ՊՊԿՎ-ի կողմից տրամադրված հատուկ տարածքում:

- Ծրագրային համակարգը և քարտեզը պետք է մշակված լինեն մասնակցի կողմից. հակառակ դեպքում մասնակիցը պետք է ունենա արտադրողի կողմից տվյալ համակարգով վերոնշյալ ծառայությունը մատուցելու, համակարգում փոփոխություններ կատարելու հնարավորություն և իրավունք (լիազորություն) ՊՊԿՎ-ում գործող այլ ծրագրային համակարգերի հետ ինտեգրման նպատակով:

- Համակարգը պետք է ինտեգրվի ՊՊԿՎ-ում գործող մեքենաների GPS վերահսկման համակարգի հետ (կամ մատակարարի կողմից տրամադրվի տեխնիկական այլ լուծում՝ առանց պատվիրատուի կողմից լրացուցիչ ծախսերի), որպեսզի հիմնական ծրագրային համակարգում աշխատեն երեք ֆունկցիաներ՝

- պարեկային խմբերի մեքենաների և պահպանվող օբյեկտների ցուցադրում նույն քարտեզի վրա (հիմնական համակարգում)
- օպերատորի կողմից տազնապ ազդանշանը այլ պարեկային խմբի հանձնելու դեպքում համակարգը ավտոմատ որոշի և օպերատորին ցուցադրի օբյեկտին ամենամոտ պարեկային խմբերի ցանկը՝ ըստ գտնվելու հեռավորության
- յուրաքանչյուր տազնապին արձագանքելու դեպքի համար ավտոմատ հաշվի պարեկային խմբի տեղ հասնելու ժամանակը:

GPS վերահսկման համակարգի հետ ինտեգրման համար անհրաժեշտ հավելվածի ծրագրային ինտեգրեթյսի (API)-ի ծրագրային

կողերը և նկարագիրը ՊՊԿ վարչության կողմից կտրամադրվի պայմանագրով կատարող կողմ հանդիսացող կազմակերպությանը, վերջինիս պահանջի օրվանից հաշված երկու աշխատանքային օրվա ընթացքում:

Հիմնական համակարգը և Android ծրագրային հավելվածը պարտադիր պետք է ունենան նաև հայերեն լեզվով միջերես (interface):

- Համակարգը պետք է ունենա առնվազն 5 տարի տվյալների պահպանման հնարավորություն:

Համակարգի կառուցվածքը

Համակարգը պետք է կազմված լինի հետևյալ մասերից՝

Վեր հենքով ծրագրային փաթեթ (Հիմնական համակարգ)

- Android ծրագրային հավելված նախատեսված պարեկային խմբերի համար /ՊՊԿ-ում առկա սարքավորումները աշխատում են Android ծրագրերով/
- Համակարգին միացվող միջանկյալ օբյեկտային սարքեր՝ 2 տեսակի(GPS/GLONASS համակարգով և առանց դրա)
- Ստուգայցերի վերահսկման սարքեր իրենց նշիչներով
- Սերվերներ
- Մինի ԱՀԿ
- Համակարգիչներ մոնիտորներով

Ընդհանուր ֆունկցիոնալ պահանջներ

- Համակարգը պետք է պահպանվող օբյեկտներում տեղադրված (գործող) ազդարարման սարքերից ստացված ազդանշանները հաղորդի պահպանության ծառայությանը, իսկ 2-րդ տեսակի սարքի դեպքում նաև կարողանա ինքնուրույն գեներացնել «Ցնցում տազնապ»:
- Համակարգում պետք է տարանջատվի երեք տեսակի ծանուցում՝

Տեղեկատվություն.

Դրվեց Պահպանության

Հանվեց Պահպանությունից

Զգուշացում.

		<p>Հոսանքագրվում Ռեժիմի խախտում Կապի խափանում (մինչև 3 րոպե ժամանակահատված) Մարտկոցի լիցքաթափում (մոտ է լարման սահմանային արժեքին)</p> <p>Տազնապ. Ընդհանուր Տազնապ (պարագծային պահպանություն) Լուռ Տազնապ (տազնապի ուռնյակ, սերմակ) Լուռ Տազնապ 2 (տազնապի ուռնյակների 2-րդ խմբի առկայության դեպքում) Ընդհանուր Տազնապ 2 (2-րդ գոտու առկայության դեպքում) Կապի Խզում (3 րոպե և ավելի ժամանակահատված) Մարտկոցի Լիցքաթափում (լարման սահմանային արժեք) Տնցում (հարված, տեղափոխում)</p>			
		<ul style="list-style-type: none"> - Կապի, էլեկտրասնուցման խափանման և մարտկոցի լիցքաթափման դեպքում համակարգը պետք է տա հատուկ ազդանշան, ընդ որում դրանց գեներացման ժամանակային և լարման սահմանային արժեքները պետք է հնարավոր լինի սահմանել համակարգի միջոցով: - Պահպանվող օբյեկտի ազդարարման սարքից “տազնապ” ազդանշան ստանալու դեպքում համակարգը պետք է անհապաղ ազդարարի այն և ծրագրի, և՞ ծրագրային հավելվածի միջոցով: Ծրագրի միջոցով “տազնապ” ազդարարելու դեպքում ինչպես քարտեզի վրա այնպես էլ առանձին աղյուսակով պետք է ցուցադրվի տվյալ օբյեկտը և վերջինիս վերաբերվող ողջ ինֆորմացիան ձայնային ազդանշանի ուղեկցությամբ: 			

- 2-րդ տեսակի սարքի դեպքում համակարգում պետք է ցուցադրվի նաև օբյեկտի տեղաշարժը քարտեզի վրա իրական ժամանակում առնվազն 10 վայրկյան պարբերականությամբ թարմացումով:
- Եթե օբյեկտի ազդարարման սարքը հնարավորություն է տալիս որոշել, թե պահպանության որ գոտուց է ազդարարվել “տազնապ” ազդանշանը, ապա համակարգը նույնպես պետք է ցուցադրի “տազնապ”-ի ազդարարման գոտին: Ստացված “Տազնապ”-ի ազդարարումը սերվերը միաժամանակ ուղարկում է համապատասխան օպերատորի, տարածքային պահպանության բաժնի (ոստիկանության հերթապահ մասի) համակարգիչներին և պարեկային խմբերին: Համակարգը պետք է իրականացնի պահպանվող օբյեկտներից տվյալների առցանց հավաքագրում և պահպանում կենտրոնացված տվյալների բազայում: Տվյալների հավաքագրումը և պահպանումը պետք է իրականացվի նախապես սահմանված ժամանակային միջակայքով:
- Ծրագրի շահագործման ընթացքում չպետք է առաջանա լրացուցիչ (վճարովի) ծրագրերի ձեռքբերման անհրաժեշտություն:
 - Ծրագրային փաթեթին ներկայացվող պահանջներ**
 - Ծրագրային փաթեթը պետք է կազմված լինի ստորև թվարկված մասերից, որոնք պետք է աշխատեն որպես մեկ ամբողջական ծրագրային համակարգ
 - Հիմնական համակարգ (Վեբ հենքով ծրագրային փաթեթ)
 - պարեկային խմբերի ծրագրային հավելված (Android)
 - Մինի ԱՀԿ-ի ծրագրային ապահովում
 - Հիմնական համակարգը պետք է լինի WEB հենքով, կլիենտ-սերվերային սկզբունքով, իսկ որպես տվյալների բազա՝ պետք է օգտագործվեն բաց (անվճար) համակարգեր:
- Ծրագրային փաթեթը պետք է ունենա՝
 - Ստացված տեղեկատվությունը, զգուշացումները և տազնապները ինչպես քարտեզի վրա այնպես էլ արդյուսակային ռեժիմով ցույց տալու հնարավորություն
 - 2-րդ տեսակի սարքերից տազնապ ստանալու դեպքում առանձին բացվող պատուհանում պետք է ցուցադրվի սարքի ընթացիկ կողորինատները և աշխարհագրական դիրքը քարտեզի վրա, առնվազն 10 վայրկյան պարբերականությամբ թարմացումով

		<p>- Սարքի ընթացիկ դիրքի որոշումը պետք է իրականացվի հետևյալ սկզբունքով՝</p> <p>Եթե սարքի համար տեսանելի են բավարար թվով արբանյակներ և հնարավոր է GPS/GLONASS համակարգերով իրականացնել տեղորոշում ապա նախապատվությունը տրվում է այս տարբերակին, եթե ոչ ապա համակարգը պետք է տեղորոշումը իրականացնի ըստ բջջային կայանների դիրքի հիմնվելով CELL ID տվյալի հիման վրա՝ օգտվելով սեփական, կամ անվճար բաց աղբյուրներից: CELL ID ով տեղերոշման ժամանակ ծրագիրը պետք է ֆիլտրի ստացված կոորդինատները և բացառի ակնհայտ սխալ(ոչ ճշգրիտ կոորդինատները): Այս ֆունկցիայի շնորհիվ օպերատորը պետք է կարողանա անհրաժեշտության դեպքում առցանց հետևել գողացված օբյեկտի(տերմինալի) տեղաշարժին և համապատասխան խմբերին ուղղորդի հասցե(վայր):</p> <p>- Նույն էլեկտրոնային բարտեզի վրա պահպանվող օբյեկտների, պահպանության բաժինների, պարեկային խմբերի (մեքենաների) աշխարհագրական դիրքի առցանց ցուցադրման հնարավորություն:</p> <p>- Օպերատորի կողմից տազնապը այլ պարեկային խմբի հանձնելու հնարավորություն, ընդ որում համակարգը պետք է ավտոմատ որոշի և օպերատորին ցուցադրի օբյեկտին ամենամոտ գտնվող պարեկային խմբերի ցանկը՝ ըստ գտնվելու հեռավորության:</p> <p>- Յուրաքանչյուր տազնապին արձագանքելու դեպքի համար պարեկային խմբի տեղ հասնելու ժամանակը ավտոմատ հաշվելու հնարավորություն՝ հիմք ընդունելով մեքենայի կոորդինատները և տազնապի ստացման ժամը:</p> <p>- Որպես բարտեզ պետք է հնարավոր լինի ընտրել google maps, google satellite, openstreetmap քարտեզները:</p> <p>- Յուրաքանչյուր պահպանության բաժնի (ոստիկանության հերթապահ մասի) համար իր կողմից պահպանվող օբյեկտների ցանկի կամ արմինխտրատորի կողմից ըստ անհրաժեշտության ընտրված օբյեկտների խմբի ցուցադրման հնարավորություն:</p>
--	--	--

	<ul style="list-style-type: none"> - Պահպանվող օբյեկտների կարգավիճակների ցուցադրման հնարավորություն բարտեզի վրա տեղադրված պահպանվող օբյեկտների նշապատկերների գունային ազդանշանների միջոցով - Յուրաքանչյուր օբյեկտից ստացվող յուրաքանչյուր պարամետրի համար առավելագույն և նվազագույն շեմերի սահմանման հնարավորություն: - բազայում առկա տվյալների հիման վրա հաշվետվությունների դիտման և արտաբերման հնարավորություն: - Յուրաքանչյուր օբյեկտի մակարդակով առանձնացված հաշվետվությունների արտաբերման հնարավորություն: - Պահպանվող օբյեկտները հիերարխիկ ցանկի տեսքով ցուցադրելու հնարավորություն: - Բարտեզի վրա ցանկացած օբյեկտի փնտրման պարզեցված գործիք, այսինքն՝ ըստ անունի, թվային գաղտնագրի փնտրման հնարավորություն: - Ստացված տազնայների ցանկի ցուցադրման և դրանց հետագա ֆիլտրման և արխիվացման հնարավորություն: - Ստացված տազնայների պատմության ցուցադրման հնարավորություն: - Excel ֆորմատով տվյալներ արտահանելու հնարավորություն: - Էլեկտրոնային բարտեզի վրա օբյեկտ ընտրելու և այդ օբյեկտի վերաբերյալ առցանց ստացվող տվյալները տեսնելու հնարավորություն: - Տազնայի ազդանշան ստանալու պահից մինչև անձնակազմի դեպքի վայր հասնելու ժամանակահատվածի ավտոմատ որոշման հնարավորություն: - Ծրագրային մակարդակով պարտավորությունների և իրավասությունների հիերարխիկ բաժանման հնարավորություն: - Յուրաքանչյուր օբյեկտից ստացված բոլոր տվյալների ցուցադրման, մշակման և սահմանված շեմերի հետ համեմատման հնարավորություն: - Յուրաքանչյուր օբյեկտից ստացված և բազայում գրանցված տվյալների հետագա դիտման և ֆիլտրման հնարավորություն: 	

		<ul style="list-style-type: none"> - Սերվերի կապի առկայության անընդմեջ ստուգում և կապի խափանման դեպքերի գրանցում - Սարքերի փոխարինման և դրանց հետ կատարված գործողությունների գրանցում (լոգավորում) - Կատարված ստուգայցերի դիտման և ֆիլտրման հնարավորություն - Տարբեր լիազորություններով օգտատերերի ստեղծման և հետագայում դրանց խմբագրման հնարավորություն: - Ծրագիրը պետք է ունենա օգտատերերի՝ համակարգ մուտք գործելու էլեկտրոնային գրանցամատյան: - համակարգ մուտք գործելու հնարավորության սահմանափակում ըստ IP հասցեների՝ յուրաքանչյուր օգտատիրոջ համար: - Յուրաքանչյուր տազնապի համար մանրամասն տվյալների գրանցում և պահպանում ներառյալ՝ <ul style="list-style-type: none"> ▪ Օբյեկտի կոդ ▪ Օբյեկտի անվանում ▪ Տազնապի տեսակ ▪ Ավարտման ամսաթիվ/ ժամ ▪ Ավարտող օգտատեր ▪ Ավարտված տազնապի պատճառի մեկնաբանություն ▪ տազնապի գեներացման և ստացման ժամերը ▪ պարեկային խմբերի ցանկը <ul style="list-style-type: none"> • որոնց ուղարկվել է • որոնք ստացել են • որոնք մերժել են • որոնք ընդունել են ▪ պարեկային խմբի տեղ հասնելու ժամանակ (ավտոմատ կերպով որոշվող) <ul style="list-style-type: none"> ▪ Ստուգայցի անս/ժամ <p>Տվյալների հետ պետք է պահպանվեն նաև դրանց գրանցման ժամերը:</p> <ul style="list-style-type: none"> - պարեկային խմբերի պլանշետների կապի մեջ լինելու (online) անընդմեջ մոնիթորինգ և կապից դուրս լինելու ժամերի պատմության և պատճառի պահպանում 			
--	--	--	--	--	--

		<p><u>Ավտոմատ հեռախոսակայան</u> Տնտեսվարողի հեռախոսագծերի ինքնաալտասանող կայան / սերվեր , որը համակարգի արվինիստորատորի կողմից սվյալ օբյեկտին նախապես կցված հեռախոսահամարներից զագելու դեպքում տեղեկատվություն կտա կենտրոնական սերվերի կողմից սվյալ պահին այդ օբյեկտի “պահպանության դրված”/”Պահպանությունից հանված” վիճելու մասին:</p> <ul style="list-style-type: none"> - Ստացված հեռախոսագագերը պատմությունը պետք է պահպանվի՝ հետագայում ըստ օբյեկտների, ժամանակահատվածի և այլն, դրանց ֆիլտրման և դիտման հենարավորությամբ: - Բազմուղի հեռախոսահամար, առնվազն 16 գանգ միաժամանակ սպասարկելու հնարավորությամբ: <p>Պարեկային խմբերի հավելվածի ինտերֆեյս</p> <ul style="list-style-type: none"> - Տագնապ ստանալու դեպքում պետք է տա ձայնային և տեսա ազդանշան, և push notification - Պարեկային խմբերը պետք է կարողանան ընդունել կամ մերժել ստացված տագնապը, առանձնացված տեսնել ստացված տագնապների ցանկը, իրենց կողմից ընդունված տագնապների ցանկը: Տեսնել օբյեկտի և իրենց դիրքը նույն քարտեզի վրա: Տեսնել իրենց պլաշետի և սերվերի միջև կապի առկայությունը, պարբերաբար կատարվող ավտոմատ հարցումների միջոցով: - Առանձին էջում պետք է ցուցադրվեն և 10 վայրկյան պարբերականությամբ թարմացվեն այն օբյեկտների կողողինատները, որոնք միաժամանակ բավարարում են հետևյալ պայմանին՝ <ul style="list-style-type: none"> ▪ Օբյեկտում տեղադրված է 2-րդ տեսակի սարք ▪ Օբյեկտը ունի ակտիվ(չփակված) տագնապ ▪ Օբյեկտը գտնվում է պարեկային խմբի մեքենայից սահմանված հեռավորության վրա(ոչ հեռու, հեռավորությունը պետք է հնարավոր լինի սահմանել վեր համակարգից) 		
--	--	---	--	--

Համակարգը պետք է աշխատի HTTPS անվտանգ ռեժիմով մուտք գործելու համակարգով և TLS v1.2 կամ ավելի նոր տարբերակով կողավորմամբ:
Ծրագիրը պետք է ունենա օգտվողին հարմար ինտերֆեյս,
Ընդունած տազնապը ավարտելու մեկնաբանություն (մեկնաբանությունների ցանկ):

Տվյալների հաղորդման սարքերին ներկայացվող պահանջներ

Սարք տեսակ 1

- Սարքը պետք է ունենա մինչև 4 թվային մուտք՝ պահպանվող օբյեկտի պահպանության համակարգին միանալու և անհրաժեշտ տեղեկատվությունները ստանալու համար:
- Որպես կապի միջոց պետք է կիրառվի GSM/GPRS և GSM/SMS:
- Սարքը պետք է ունենա 2 SIM քարտերով աշխատելու և ավտոմատ փոխանցատման հնարավորություն, ընդ որում յուրաքանչյուր սարքում պետք է տեղադրվեն երկու տարբեր օպերատորների SIM քարտեր:
- Սարքի սնուցումը պետք է իրականացվի առանձին 220/12Վ հաստատուն լարումով և ունենա պահեստային մարտկոց՝ ապահովելով առնվազն 24 ժամ անխափան աշխատունակություն:
- Սարքը պետք է թույլ տա սահմանել տվյալների փոխանցման կամայական ժամանակային միջակայք:
- Սարքը պետք է ունենա ծրագրավորման հնարավորություն, որի միջոցով հնարավոր կլինի սահմանել ազդարարման տարատեսակ պլգորիթմներ:
- Սարքը պետք է նախագծված լինի այնպես, որ կարողանա աշխատել նաև ազդարարման համակարգի սնուցման 12 Վ մարտկոցով:
- Սարքը պետք է նախագծված լինի այնպես, որ կարողանա միանալ ցանկացած տեսակի ազդարարման համակարգերի, որոնք տեղադրված են պահպանվող օբյեկտներում:
- Սարքը պետք է կարողանա օբյեկտի պահպանության համակարգից միաժամանակ ստանալ և հաղորդել առնվազն հինգ տեսակի տվյալներ:

- Սարքը առցանց ռեժիմում պետք է ցույց տա GSM ազդանշանի ուժգնության մակարդակի և մարտկոցի լարման վերաբերյալ տվյալներ:

- Սարքը պետք է ունենա «վերցված է պահպանության սերվերի կողմից» տեղեկատվությունը հաստատող լուսային ցուցիչ, որը մատակարարը սարքի տեղադրման և կարգավորման աշխատանքները կատարելուց պետք է տեղադրի տնտեսավարող մարմնի համար տեսանելի տեղում: Լուսային ցուցիչը պետք է վառվի միայն սերվերի կողմից պահպանության վերցնելու հաստատումից հետո:

- Սարքը պետք է ունենա SMS ով անջատելու (միացնելու) հնարավորություն

Սարք տեսակ 2

Պետք է ունենա 1-ին տեսակի սարքի բոլոր հնարավորությունները և ստորև նշված հավելյալ հնարավորությունները՝

- Ներկառուցված մարտկոց, որը պետք է լինի տուպի ներսում(անտեսանելի) և սարքի սնուցումը անջատելու դեպքում կապահովի սարքի աշխատանքը
- Տնցման տվիչ, աշխատանքային շեմի կարգավորման հնարավորությամբ
- Տեղորոշման GPS/GLONASS մոդուլ, որը այլ տվյալների հետ սերվերին կփոխանցի նաև սարքի կոորդինատները
- Բջջային կայանի CELL ID ուղարկելու հնարավորություն

Ստուգայցերի վերահսկման սարք


Արտաքին չափսերը – ոչ ավել քան 90x50x35 մմ
Բաշը – ոչ ավել քան 150 գրամ
Մարտկոցի տարողությունը առնվազն – 1000 mAh
Սարքը նշիչին պետք է կարողանա կարողալ առնվազն 10 մմ ապակու հետևից (առանց օբյեկտ մուտք գործելու, ապակու հետևից ստուգայց գրանցելու նպատակով)

	<p>Հեռուստացույց՝ 60 դրյւմ անկյունագծով</p>	<p>2</p>	
	<p>*Սարքավորումները պետք է ունենան այնպիսի տեխնիկական բնութագրեր, որոնցով կապահովւեն մատուցվող ծառայության և ողջ համակարգի արագագործությունն և անխափան աշխատանքը:</p> <p>**Մերվերների ապամոնտաժման դեպքում /պայմանագրի դադարեցման կամ այլ պատճառներով/ տվյալների ամբողջ բազան և արխիվը մատակարարի կողմից պետք է պատվիրատուին տրամադրվի էլեկտրոնային կրիչով, իսկ հանվող սերվերից տվյալները պետք է ոչնչացվեն:</p> <p style="text-align: center;">Ուսուցում</p> <p>Մատակարարը պետք է իրականացնի համապատասխան անձնակազմի ուսուցում՝ կազմված տեսական և գործնական պարապմունքներից: Տեսական պարապմունքների ընթացքում ԴՊԿ վարչության համապատասխան աշխատակիցներին պետք է ներկայացվեն համակարգի կառուցվածքը և աշխատանքի սկզբունքը: Գործնական պարապմունքների ընթացքում ԴՊԿ վարչության աշխատակիցները պետք է աշխատեն ծրագրով և կատարեն կոնկրետ առաջադրանքներ:</p> <p style="text-align: center;">Երաշխիք</p> <p>Մատակարարը ծառայության տրամադրման ողջ ընթացքում պետք է իրականացնի ծրագրային փաթեթի և սարքերի անվճար երաշխիքային սպասարկում: Առաջացած խնդիրներն ու անսարքությունները մատակարարը պետք է վերացնի տեղում իր միջոցներով:</p> <p style="text-align: center;">Համակարգի ընթացիկ սպասարկման պայմաններ</p> <p>Պատվիրատուի կողմից օբյեկտներում տեղադրված տվյալների հաղորդման սարքերի անսարքության/խափանման հայտնաբերման դեպքում պատվիրատուն էլեկտրոնային եղանակով տեղեկացնում է մատակարարին առկա խնդրի մասին, որից հետո մատակարարը պետք է ձեռնարկի միջոցներ հայտնաբերված թերությունները վերացնելու նպատակով՝ ք. Երևանի տարածքում մեկ, իսկ մարզերում երեք ժամվա ընթացքում: Մատակարարի վճարումը կիրականացվի ըստ փաստացի մատուցված ծառայության քանակների համապատասխան երդակացության հիման վրա:</p>		

Գնման ընթացակարգ	Հրատապ մեկ անձ / «Գնումների մասին» ՀՀ օրենքի 23-րդ հոդվածի 1-ին մասի 2-րդ կետ և ՀՀ կառավարության 04.05.2017թ. ի թիվ 526-Ն որոշման 21-րդ կետի 1-ին ենթակետի «դ» պարբերություն
Մատակարարի անվանումը և հարկ վճարողի հաշվառման համարը	«Լոկատոր» ՓԲԸ, ՀՎՀՀ՝ 00095651
Մատակարարի գտնվելու վայրը	ՀՀ, ք. Կոմիտաս 36ա,-22
Մատակարարի էլ. հասցեն և հեռախոսահամարը	
Մատակարարի հաշվեհամարը և բանկ անվանումը	Հ/Հ՝ 2474703386220000, «ԱՐԴՇԻՆԲԱՆԿ» ԲԲԸ
Մերտիֆիկատ կամ որակի հավաստող փաստաթուղթ	--
Մատուցման վայր	ՀՀ, ք. Երևան, Նալբանդյան 130,
Կանխավճարի պայման	--
Երաշխիքային ժամկետ	120 օր
Մատուցման ժամկետ	Ըստ տեխնիկական բնութագրի
Հանձնման-ընդունման վերջնաժամկետ	Հանձնման-ընդունման արձանագրության երկրորդ և երկրորդ մասի ստորագրման պահից մինչև 5 աշխատանքային օրվա ընթացքում

Պ Ա Ս Վ Ի Ր Ա Տ ՈՒ
 ՀՀ ներքին գործերի նախարարություն
 ք. Երևան, Նալբանդյան 130
 ՀՀ Ֆինանսների նախարարության
 գործառնական վարչություն
 Հ/Հ 900011049286

ՀՎՀՀ 02882913
 Հեռ. 010 59-61-52
 Էլ. հասցեն gnumner@mia.gov.am
 Խ. Իգիթյան
 / ՀՀ ՆԳՆ գլխավոր քարտուղարի
 պարտականությունները կատարող /
 (ստորագրություն)
 Կ.Տ



Կ Ա Տ Ա Ր Ո Ղ
 «Լոկատոր» ՓԲԸ
 ք. Երևան, Կոմիտասի 36ա-22
 «ԱՐԴՇԻՆԲԱՆԿ» ԲԲԸ
 Հ/Հ 2474703386220000
 ՀՎՀՀ 00095651
 Հեռ: 010 28-58-28

Էլ. ֆոնտը: tender@locator.am

Պայմանագրի կողմ

գտնվելու վայրը _____
հհ _____
հվհհ _____

Պատվիրատու

գտնվելու վայրը _____
հհ _____
հվհհ _____

**ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ**

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ « » « » 20 թ. դուրս գրված N _____ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	անվանումը	տեխնիկական բնութագրի համառոտ շարադրանքը	Մատուցված ծառայությունների				Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			քանակական ցուցանիշը		կատարման ժամկետը			
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն
Կ.Տ.

Ծառայությունն ընդունեց

ստորագրություն

ազգանուն, անուն
Կ.Տ.

ԱԿՏ N
պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը
գնման պայմանագրի շրջանակներում Կատարողը 20 թ. _____-ին հանձնման-ընդունման
նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն

